

燕石二

北燕







熱河日記目錄

盛京雜識

盛京伽藍記

栗齋夜話

商樓夜話

古董錄

遼東白塔記

廣祐寺記

旧遼陽記

山川紀略

遼東關廟記



燕岩集

外集

熱河日記弓二

盛京雜識

起丙戌至庚寅凡五百二十里

四年庚子

清乾隆四年

秋七月

初十日

丙戌

兩即晴自

十里河早行至板橋堡

五里長盛店

五里沙河堡

十里

里暴交蛙子五里毡匠舖

五里火燒橋

三里白塔堡

至一所

七里共四十里中火於白塔堡

又自白塔堡

至一所

臺五里紅火舖

五里渾河

一里舟渡渾河入瀋陽九

里共二十里是日通行

六十里宿瀋陽

是日極熱回

望遼陽城外林樹蒼茫

萬點曉鴉飛散野中

一帶朝

烟橫抹天際瑞旭初昇

祥霧霏靄四顧茫蕩

無所見

礪噫此英雄百戰之地也所謂席步龍驤高下在心
然天下安危常係遼野遼野安則海內風塵不動遼
野一擾則天下金鼓互鳴何也誠以平原曠野一望
千里守之則難為力棄之則胡虜長驅常無門庭之
限此所以為中國必爭之地而雖殫天下之力守之
然後天下可安也今其天下所以百年無事者豈為
德教政術遠過前代哉瀋陽乃其始興之地則東接
寧古塔北控熱河南撫朝鮮西向而天下不敢動所
以壯其根本之術非歷代所比故也入遼以來素麻
翳苑鷄狗相聞百年無事不得不為清室一擯眉矣
蒙古車數千乘載輶入瀋陽每車引三牛、多白色

間有青牛暑天引重牛鼻流血蒙古皆鼻高目深猙
獰驚悍殊不類人且其衣帽縑縷塵垢滿面而猶不
脫襪見我隸之赤脚行走意似恠之我國刷駟歲見
蒙古習其性情常與之狎行以鞭末挑其帽棄擲道
傍或毬踢為戲蒙古笑而不怒但張其兩手與語丐
還刷駟或涎浚脫帽走入田中佯為蒙古所逐急轉
身抱蒙古腰以足打足蒙古無不顛翻者遂騎其脰
以塵納口羣胡停車齊笑被翻者亦笑而起拭嘴着
帽不復角勝行達一車共載七人皆衣紅以鐵索籠
肩絡背交鎖於項復以一端鎖手一端鎖脚錦州衛
盜賊減死戍配黑龍江云牙眼危怖猶於車上自相

戲笑畧無苦色馬羣數百匹掠路而過最後一人跨
一匹善馬手持一輪高梁殿趕馬群不羈不絀而只
顧行走至塔鋪塔在村中高二十餘丈十三級八面
空中每級通四圓門騎馬入其中仰面而看忽生眩
暈回轡還出使行已入站矣進至後堂主人鬚下忽
作數聲犬嗥余大驚却立主人微笑請坐主人長鬚
班白兀自炕上踞短脚床炕下對椅坐一老嫗頭上
挿朶紅白葵花衣一領鴉青挑花繡裙老嫗腦前又
作犬嗥益猛主人徐自懷中捧出一箇狔狗犬如兔
子毫長一寸縹雪白雪白脊上淡青色眼黃嘴紅老嫗
又披襟拿出狔兒遞與余看毛色一樣老嫗笑曰客

官休惟吾們翁媪兩口兒開住家裡真常永日難消
在家抱弄這口雪狗兒還惹了外人耻笑余問主人
家無有兒孫麼主人荅曰抱得三男一孫長男三十
一歲做箇盛京將軍親隨的章京仲男十九歲季男
十六歲并去學堂裡讀書九歲小孫柳樹上抱蟬去
了盡日面目難見少焉主人之小孫手提吶叭氣息
喘、走入堂裡抱老公頃要買吶叭老公慈意滿面
曰這箇不中用小兒眉目清明披一領杏子黃紋紗
襖子弄嬌逞癡東跳西梁老公囑小孫向余叩頭軍
牢張目趕入堂裡奪其吶叭大轂索開老公起身謝
曰慚愧小孩們頑耍了不曾損傷那物件余亦責軍

牢索去好矣何必若是無聊人余問這狗子那地所
產主人答曰雲南所產蜀中亦有這樣的小狗此名
玉兔兒那箇叫做雪獅子并是雲南產主人叫玉兔
兒叩頭狗子起立雙拱前足為拜揖狀便據地叩頭
張福來請飯余即起身主人曰客官既然愛翫此微
物時情願拜送準貢回還時客官不妨携去余答曰
那敢生受急轉身出使行已初吹臨散不知吾去向
張福過索不得飯久已硬心忙不下咽遂給張福與
昌大共食自入鋪子裡買喫一碗麵一觶燒酒三箇
熟鷄卵一箇青瓜計還了四十二文使行纔過鋪門
前即與卞君并魯隨行舡裡甚飽堪行二十里矣日

已向巳天氣蒸烘而自遼陽沿路植柳萬樹陰、不
知甚暑或柳下水匯處注、成坑不得已逆出路上
則熾炎下煮土氣上蒸腦膈頃刻悶塞遙望柳陰下
車馬雲屯促鞭行下馬小憩客商數百人卸擔納涼
或踞柳根脫衣搖扇或啖茶飲酒或沐髮剃頭或敲
牌或猜拳擔中皆瓦甕更有以高粱榦去皮結成小
小櫻閣之形各置一枚響虫或鳴蟬為十餘擔或盃
貯紅虫綠藻紅虫浮動水面微如蝦卵為供魚兒食
料車三十餘乘皆滿載石煤賣酒賣茶賣餅果諸般
飲食者皆就柳陰下列椅而坐余以六文沽楊梅茶
半碗解渴味甘酸類醅醢湯一軻太平車載二婦人

駕一驢而行驢見水桶引車就桶婦人一老一少褰
簾納涼皆衣鶯哥緋襖朱黃色袴以玉簪花石竹石
榴花為頭上繫飾似是漢女下君要飲遂各飲一盃
即行不數里遙見數處浮屠皓然入望計是隴陽斷
近也所謂漁人為指江城近一塔船頭省斷長不知
近者不知詩近家有濃淡法有遠近勢今看塔影益
覺古人作詩必須近意蓋城遠城近只看一塔短長
渾河一名阿利江一名小遼水源出長白山合沙河
繞出盛京城東南與太子河會又西流合遼河為三
叉河入海渡河行數里有土城不甚高土城外有烏
牛數百頭其色正黑如叅天池百頃澈艷紅蓮盛開

鵝鴨無數浮泳池邊白羊千餘頭方飲水見人皆驚
首立入外郭門郭內民物之繁華市肆之侈盛十倍
遼陽矣入關廟小憩之使具冠服有一老者披秀花
紬單衫光頭垂辮就余長揖曰辛苦余答揖老者熟
視余所著泥鞋意似詳觀制作余即脫示一隻廟中
走出一箇道士身披一領野繭紗道袍頂戴藤笠足
穿貢緞黑靴脫笠自撫其髻曰與相公一樣老者自
脫其履授著我鞋問此鞋子甚皮造成余曰驢兒皮
問履底甚皮余答曰牛皮加油能踏泥不濕老者及
道士齊聲稱佳又問這優子衝泥雖便還恐旱道足
繭余答曰儘然老者引余入廟堂裡道士手注兩腕

茶各勸老者書示姓名福寧滿洲人見任盛京兵部
郎中年六十三避暑城外大池荷花盛開開走一遭
方纔回來因問相公官居幾品年紀多少余答姓名
身是秀才為觀光上國來賤降丁已問月日生時余
答二月初五日丑時問蝦答不是蝦福寧問這位上
首坐的前年來京俺自京師還時到玉田數日同站
這是翰林出身麼余答不是翰林駙馬都尉與俺為
族兄弟問副使書狀各以姓名官品為對使行改服
臨散余辭起福寧前執手曰行李保重時方秋暑益
熾切戒生茶冷飲俺家住西門內驢馬場南邊門首
題著兵部郎中又有金字題癸酉文科尋訪容易公

子回期可在何時余曰似於九月中還到盛京福寧
曰自無公幹時當倒屣逢迎既識貴庚日時靜當推
籌以俟尊駕辭氣殷勤頗有惜別之意道七人鼻會
睛動止輕佻全沒款曲福寧為人魁特磅礴三使次
第乘馬去蓋文武成班入城、周十里輓築八門樓
皆三簷護以甕城甕城左右亦有東西對門通衢築
臺為三簷高樓樓下出十字路轂擊肩磨熱鬧如海
市廛夾道彩閣雕窓金扁碧榜貨寶財賄充牣其中
坐市者皆面皮白淨衣帽鮮麗瀋陽本朝鮮地或云
漢置四郡為樂浪治所元魏隋唐時屬高句麗今稱
盛京奉天府尹治民奉天將軍副都統管轄八旗又

有承德知縣設各部佐翼衙門對門有響牆門前皆
以黑漆木叉立為欄將軍府前立一座大牌樓路中
望見諸色琉璃瓦遂與來源李涵同注行官前逢一
官人手持短鞭行步甚忙來源馬頭光祿善官話走
向官人跪一膝磕頭官人忙扶光祿請大哥任便光
祿叩頭曰小人是朝鮮幫子俺老爺們為觀皇都帝
居如望天上敢是大官人肯許麼官人笑曰第不妨
跟俺來也余即追去欲與之揖官人行步如飛不可
及望見路窮處周設朱紅木柵官人入柵顧視以鞭
指之曰可於此地張望因轉身而去來源以為既不
得入內遍觀則久立此不緊如是一觀足矣遂携李

涵向酒樓而去余獨與光祿進入柵裡正門曰太清
遂進步入門光祿曰俄逢官人正是守直章京前年
隨侍河恩君遍觀行宮無人阻擋請放心觀玩謔令
逢人不過逐出余曰汝言是也遂走至前殿扁曰崇
政又有扁曰正大光明殿左曰飛龍閣右曰翔鳳閣
殿後有三簷高樓曰鳳凰樓有左右翊門、內有甲
軍數十人攔路遂於門外遙望層樓複殿疊榭回廊
皆覆以五色琉璃瓦兩簷八角屋曰大政殿太清門
東有神祐宮安三清塑像康熙皇帝御筆題曰昭格
雍正皇帝御筆題曰玉虛真帝遂還出尋來源入一
酒肆望旗金字寫曰天上已多星一顆人間空聞郡

雅名酒肆朱欄翠戶粉壁垂棟層架上列置一椀
鑪大尊紅紙寫著酒名不可勝記趙主簿學東方在
其中與人飲酒笑起迎入共有五六十好交椅二三
十副桌子花盆數十坐方灌夕水秋海棠繡毬方盛
開他花盡是初見趙君勸余三盃佛手露問季涵輩
去向答不知余遂先起道中又逢趙主簿明會大喜
要共暢飲余回身指俄坐酒樓更去飲也趙曰不必
彼樓箇、若是遂相携入一酒樓其宏深奢麗更勝
於前買得一盤卵炒一瓶史國公暢飲而罷入一奴
賣古董舖子舖名藝粟齋有秀才五人伴居開舖皆
年少美姿容約更來齋中夜話俱載藝粟筆談又入

一鋪皆遠地士人新開錦繡鋪、名歌商樓共有六
人衣帽鮮華動止視瞻俱是端吉又約同會藝粟夜
話行過刑部大開衙門、前周設义木為欄而無人
妄入余自恃外國人無所畏忌諸衙門惟此開門故
欲觀官府制度進入門裡無人攔阻一官人臺上踞
床而坐背後立侍一人手持筆紙臺下跪一罪人左
右一對公人拄竹棍而立無分付行下等許多鼓喝
官人平臨罪者究詰諄、已而高鼓喝打做公者放
其手中棍走至罪人面前以掌批頰者四五還拄棍
立治法雖簡批頰之刑古所未聞夕飯後步月至歌
商樓携諸人同至藝粟齋盡夜而罷

十一日丁亥晴極熱留瀋陽平明滿城砲鼓如雷市
廛朝起開舖門例放紙砲急起往歌商樓諸人又集
穩話歸寓飯後又携諸人遊賞大街上行逢兩人結
臂同去貌俱秀雅意共為文人詞客也余乃前揖兩
人解臂答揖甚恭因入藥舖余遂跟入兩人俱買檳
榔二箇刀劈為四各以半顆勸余嚼之又各自嚼吞
余書問姓名居住兩人俱諦視茫然若不解者因長
揖而去每歲自皇京需給瀋陽各衙八旗俸祿又自
瀋陽派及興京船廠寧古塔等地該銀為一百二十
五萬兩云夕月色益明歆與卞季涵同訪歌商諸齋
卞君枉與首譯議可否首譯瞠然駭之曰盛京無異

皇城豈可夜行卞君意遂大沮首譯實不知昨夜事
也若知之則恐并吾見阻故遂諱之遂潛身獨步出
留張福囑以或有索我者對以如廁

盛京伽藍記

聖慈寺崇德二年戊寅建殿宇深嚴宏麗法堂墮高
一丈周設石欄殿上籠罩果愚有三株古松交柯互
枝蒼翠滿庭竊冥陰森一碑大學士剛林撰後面滿
洲書一碑前後皆蒙古西番字守僧有哪麻數人殿
中有八百羅漢長綬數寸箇、精妙康熙皇帝手造
小塔數百大如隻陸刻縷之工奇巧入神浮髑高十
餘丈上圓下方通刻獅子

萬壽寺康熙五十五年丙戌重修寺前有一座大牌
樓扁曰萬壽無疆殿宇壯麗過於聖慈寺而但無滿
庭松陰有二碑正殿康熙皇帝書額曰遼海慈雲香
鼎寶爐及他寶翫不可殫記有哪麻十餘人皆黃衣
黃帽驚悍魁梧
寶勝寺扁曰蓮花淨土崇德三年建殿屋皆覆以青
黃琉璃瓦清太宗願堂也

栗齋筆談

田仕可字代耕一字輔廷號挹閑無終人也自言田
疇之後家住山海關與太原人楊登開舖於此年二
十九身長七尺額闊鼻長半彩燁然多識古咒未歷

與人款洽

李龜蒙字東野號麟齋蜀綿竹人也年三十九身長
七尺方口闊頤面似傅粉朗然讀書聲出金石
穆春字繡窠號韶亭蜀人也年二十四眉眼如畫但
目不知書

溫伯高字舊軒蜀成都人也年三十一目不知書

吳履字天根杭州人也號一齋年四十頤短於文墨
而為人溫重

費稭字下榻號抱月樓又號芷洲又號稼齋大梁人
也年三十五有八子工書畫善雕刻亦能談說經義
而家貧好濟人為其多子養福也為穆繡窠溫鷺軒

夥計朝日終自蜀歸

裴寬字褐夫廬龍縣人也年四十七身長七尺餘美
鬚髯善飲酒筆翰如飛休、然有長者風自刻其邁
序集二卷又有青梅詩話二卷妻杜氏十九卒有臨
湘軒集一卷屬余為序餘數人皆碑、不足錄且無
穆溫之風骨真裨販之徒故兩夜周旋而失其名
余問穆邵亭眉眼如巫少年離鄉若是之遠何也與
麟齋溫公俱是蜀人未知俱係親戚否麟齋曰不願
問他、雖美如冠玉其中未必有也余曰殿最太嚴
麟齋曰溫兄與綃襖為涎母兄弟與僕不相干吾三
人舟載蜀錦丙申春仲離蜀舟下三峽轉販吳中逐

利口外開舖此中亦已三年余甚愛穆春欲與筆談
李生搖手曰溫穆兩公口能咏鳳目不辨承余曰豈
有是理裴寬曰非為謊話耳蔽二酉眼無一丁天上
無不識字神仙世間還有能言之鸚鵡余曰若果如
是雖使陳琳作檄未可頭痛便瘳裴寬曰滔、皆是
聽漢立六國後便驚此法當失是所謂口耳之學現
今鬻塾之間慣是念書不曾講義故耳聞了、目視
茫、口宣則百家洋、手寫則一字戛、李生曰貴
國如何余曰臨文訓讀音義兼講裴生打圈曰此法
儘是余曰費公幾時離蜀費生曰春初余曰自蜀距
此幾里費曰該有五千餘里余曰費氏八龍都是一

母所乳否費微笑裴曰還有兩小夫人左右夾助吾
不羨他八龍慕渠一奸滿堂闕笑余曰未時經鈿閣
棧道否曰然鳥道一千里猿聲十二時裴寬曰真是
蜀道水陸俱難所謂難於上天俺辛卯年溯江入蜀
七十四日始抵白帝舟中時值季春天氣兩岸花樹
最是蓬牕猿榻獨夜難曉鵲啼猿鳴鵲笑此江
空月明時景也崖上大石崩落江中兩石相觸自生
電火此夏天霖雨時景也雖百鎰黃金錦繡千純爭
奈頭白心灰余曰雖然苦景如此每讀陸放翁入蜀
記未嘗不仙、欲舞裴生曰未必然是夜月明如晝
田仕可為辨酒食二更始回餽、兩盤熟鵝一盤鷄

蒸三首蒸豚一首時新菓品兩盤羊肚羹一金臨安
酒三壺荊州酒二壺鯉魚一尾白飯二鍋菜二盤設
價銀十二兩田生進前恭謝曰畧具地主薄儀有失
良宵陪話余下椅謝曰有勞尊體還愧生受諸人齊
起稱謝曰遠客賁臨倒愧生受於是齊起下閉鋪門
果上掛一對扇式紗燈皆匝花鳥更有名人詩句一
對琉璃方燈晃朗如晝諸人各勸一兩盃鷄鵝皆存
嘴脚羊羹腩甚不堪胃性惟啖餅果田生遍閱談草
連稱好、田生曰先生晡刻要買古董未知何樣真
品余曰非但古董更要文房四友稀奇古雅不限價
本田生曰先生非久入都倘訪廠中不患不得但患

真贗難卞未知先生鑑賞如何余曰海隅鄙人鑑識
固陋那免梔蠟見期田生曰此中雖稱行都中國一
隅賣買只仰蒙古寧古塔船廠等地舊俗推魯不喜
雅賞諸秘色古窯亦罕到此何況殷敦周彝乎貴邦
珍尚亦異內地常見賣買人雖如干茶葉不揀頂品
只取價廉何論真假非但茶葉如此諸般器物為其
載重難輸例於邊門買回故京裡裨販預收內地笨
伯轉輸邊門互相騙詐以為機利今先生所願迺出
流俗萍水片語已成知己雖不得中心貺之亦安可
造次相負余曰先生此語流出肝膈可謂既醉以酒
又飽以德田生曰錯愛第於明朝再枉遍賞舖中所

有裴生曰不必預講未朝事且畢尊前此夜飲諸人
皆曰是也田生曰子欲居九夷又曰君子居之何陋
之有相公雖生偏邦氣宇軒昂文能識孔孟之書禮
能達周公之道即一君子也但恨人居兩地天各一
方寸心未盡轉眼即別奈何奈何李龜蒙無數打圈
曰纏綿悱惻實獲我心酒又數行李生問酒味較似
貴邦余答臨安酒太淡薊酒過香似非本分清霅
邦法釀都有田生問亦有燒酒麼答有田生起身取
下壁間琵琶為弄數操余曰古稱燕趙多悲歌之士
諸公必能善歌願聞一闋裴生曰無善唱者李生曰
古云燕趙悲歌乃偏伯之國士不得志今四海一家

聖天子在上四民樂業賢者羽儀朝廷廣載是歌愚
者烟月康衢耕鑿是歌都無不平安有悲歌余曰聖
天子在上可以出而仕矣諸公皆當世之英豪才全
學優何不出身需世而碌々浮沉於市井之間喪生
曰此事獨有田公當之一座皆大笑李生曰還有時
命未可強干李生抽架上逸文一卷請余一讀余讀
後出師表不為譏吐商聲一讀諸人環坐聽之莫不
擊節稱好李生俟余讀畢拈讀庾亮辭中書監表乍
高乍低音節分明雖未能逐字曉聽亦足以知其讀
到某句聲韻清亮如聽絲竹時月落夜深戶外人跡
不絕余問盛京無邏禁否田生曰有余曰路上行人

不絕何也田生曰他應有事余曰他雖有事那得夜
行田生曰如何不夜行無燈者不敢行巷首街端皆
有軍舖甲軍守之槍棒都有所以詞奸無晝無夜豈
得禁人夜行余曰夜深思睡持燈歸寓無妨否襄田
皆曰不便不便去不得必為守舖所詰如何深夜裡
闌出獨行必究驗生來處所恐致紛紜先生既然思
睡則暫於草榻上歌枕穉春起拂榻上髮席為余設
寢也余曰此刻睡思頓清恐諸公為緣侍客失了一
夜睡諸人曰都無睡意陪奉高賓打了一宵佳話真
是畢生難得之良緣如此度世雖十旬秉燭有甚倦
意諸人俱興勃、更命煖酒重整果蔬余曰不必煖

酒諸人曰生酒攻肺酒毒入齒吳渡終夜端坐視瞻
非常余曰一齋先生離吳中幾年吳生曰十一年余
曰緣何離鄉棲吳生曰為賣買做生意余曰未知
寶眷隨在此中否吳生曰年雖不惑未委羔鴈余曰
吳西林先生諱穎芳抗之高士也未知與君為宗族
否吳曰否也余曰陸鮮元飛巖鐵橋惺潘香祖庠筠
俱西湖高人君知之乎吳生曰都未嘗與他聞名俺
離鄉久但一見陸飛手畫牡丹他是湖州人少焉隣
鷄互動余亦倦甚且為酒困椅上乍歆即鼾直睡到
天明驚起諸人者亦相枕藉椅上或榻上坐睡余獨
斟兩盃酒搖起裴生告退即還寓日已曷矣張福熟

睡一行上下都不覺也。覺起張福問有誰訪我否？對
無笑。因促持盥水，束裏巾，忙往。上房諸裨譯方齊謁。
笑無人覺，得心裡暗喜。更囑張福慎毋出口。畧啖早
粥，即注藝粟齋諸人皆已起去。田生與李獮齋擺列
古器，見余至，皆驚喜曰：「先生夜來能不倦否？」余曰：「夙
夜匪懈。」田生曰：「且喫一椀茶。」少坐，有一美少年自外
入，束即捧茶來勸問其姓名，曰：「傅友梓，家住山海關，
年十九歲。」云。田生擺列畢，請余鑑賞臺觚鼎彝，共有
十一坐，小大圓方，製各不同，鏤刻光色件件古雅。攷
其款識，皆周漢物。田生曰：「不必攷文，此皆近時金陵
河南等地新鑄花紋款識，雖法古式，形既不質，色又

未純若置真正古銅之間史野立判僕雖身居市廛
心委學校既見君子如獲百朋豈可造次相瞞百年
負心余於諸咒中持戟耳彞爐石榴足者細玩臈茶
色製頗精美捧視爐底陽印大明宣德年製余問此
鑄頗佳否田生曰實不相瞞亦非宣爐宣爐以臈茶
水銀浸擦入肉更以金錄為泥火久成赤豈民間所
可彷彿余問古銅青綠殊班入土年遠所貴墓中物
是也今此諸咒若云新鑄則何能散出這樣光色田
生曰此不可不知大約古銅入土則青入水則綠墓
中殉咒多散水銀色或謂尸氣漬染者非也上古多
以水銀為殮或出於帝王陵墓水銀沾染年久入骨

大約新舊真贋易辨古器非但銅內質厚本身發光
類能天然瑩潤而水銀色亦非全體純設或半面或
耳或脚時有漸染其於青綠硃斑亦然半深半淺半
淨半濁、不為穢堆重透鬆淨不為燥津潤如濕時
有硃砂點子深鏽透骨最重褐色入土年久青綠翠
朱點、成斑如芝菌斑如雲頭暈如濃雪片此非入
土千年不能若是、為上品前明宣宗喜倣褐色所
以宣爐多褐色也近歲陝西新鑄輒倣宣德而殊不
識宣銅初無花紋為花紋者皆近日偽鑄也其倣出
顏色者例於鑄成後刀刻紋理鑿畫款識掘地坑傾
鹽汴數盆俟涸仍置銅其中埋藏數年頗有古意此

下品劣法也。巧手以鵬砂、寒水、石碯、砂、膽、礬、金、砂、礬、
為末，鹽水調和，蘸筆均刷，候乾更洗，又蘸刷。若是
者，日三四度，坎地為深坑，熾炭其中，坑烘如圍爐。因
將礬醋潑下坑內，沸爛即涸，乃置咒其中，更以醋糟
厚，覆土加厚，無空缺處。三五日出看，便生各色古
斑。又燒竹葉用薰，其烟色更深青。以蠟擦之，要發水
銀色者，乃以鋼針為末，摩擦更以白蠟揩摩，即成古
色。或有故墮一耳，或缺傷咒體，以為商周秦漢之物
尤為可厭。他日，廠中俱是遠地，賈儉收買之際，不可
糊塗。取笑余曰：可感先生如此披誠。僕明日早朝，發
向皇都，願先生開錄史房書，亟鼎彛諸咒，古今同異。

號名真偽以為冥途指南田生曰先生若不見外時
不難為此當於西清古鑑博古中叅以陋見清單
仰報遂約以乘月更來起還站寓已報朝飯矣暫歷
上房忙飯度出鄭進士與季涵來源亦出行遊覽謂
余曰獨行遊常有何滋味來源曰實無可觀譬如廣
州生負初入京左右顧盼應接不暇輒為京人所嗤
今吾輩亦何異此吾則再來尤為無味也跼逢贊穉
引余入毡子鋪囑以夜會歌商樓余辭以已與田抱
閨約會藝粟齋昨夜諸公更勞齊會費生曰俄刻已
與抱閨熟講今先生歌鹿上都句是為賓咏駒空谷
各就為情秉公已與蜀中溫公料理薄具未可張約

余曰昨夜過被諸公盛眷供張太費今又若前未敢
更勞執事費生曰山有嘉木惟工所度振鷺斯容彼
此無斁十二行窩元無定約四海同胞孰為厚薄未
源輩徘徊街上尋余入舖中余忙叔談草首肯為諾
費生亦會余意含笑願可季涵索紙欲與問答余起
出曰無足與語季涵笑而起費生臨門陰握余手以
諭意余點頭而去

商樓筆談

是夕暑氣猶熾天末赤暈四垂余促飯喫訖暫往上
房小坐即起獨自語曰因暑特甚當早宿遂下庭徘
徊為乘間出門之計而來源周主簿盧叅奉飯後步

庭捫腹噓噓時月影漸生塵喧暫息周隨影步匝誦
傳副使遠陽所題七律又誦其所次余忙步上堂去
出語盧君曰兄主太仆盧君曰使道寂寞矣即向
堂裡去周君憂形于色曰近來恐生病患即向堂裡
去來源亦隨而去余遂忙步出門且囑張福曰善彌
縫如昨日季涵自外入來問余奚注余密語曰乘月
偕往好處夜話否季涵曰何處余曰毋論某處季涵
方停武趙趙首譯入來季涵問乘月夜行無傷否首
譯大駭云季涵笑曰事當若是余亦漫應曰似然
笑即後先還入首譯與季涵上堂不顧余仍自後潛
出既出大街上始浩然矣暑氣乍退月色布地先生

藝齋粟已掩舖門田生出他獨有李麟齋李請小坐
喫茶田公小頃當還也余言商樓諸公想已畢集苦
等也李生曰商樓佳約已知道了第亦當陪往田生
手持紅色羊角燈入來促余偕行遂與李生舍烟出
門大道如天月色如水田生懸手中燈於門首余問
手不拿燈無傷麼李生曰尚未向夜遂緩步街中左
右市舖皆已掩門、外皆懸羊角燈間有青紅諸色
商樓諸人方列立欄下見余至皆喜溢於貌迎入舖
中褰寬褐夫李龜蒙東野費禪下榻田仕可抱閨溫
伯高驚齋梈春繡裛吳虔天根俱會矣裴生曰朴公
可謂信士堂中懸一對扇式紗燈桌上點兩枝燭久

作不

已排設魚肉蔬果北牆下亦有一桌供張諸人勸食
余曰夕飯未下費生手注一椀熱茶以勸坐有生客
余問姓名答馬錄字耀如山海關人來此做賣買年
二十三畧會書字費生曰五十讀易或以為正卜讀
易卜字添內一畫先生以為如何余曰五十讀易雖
有卒字之疑今謂正卜之誤則恐是鑿空易雖卜筮
之書繫辭言占言筮一見卜字且卜字一外加點元
非一畫可添費生曰或謂無若丹朱傲之傲字乃冪
字之誤看下文罔水行舟當作兩人余曰冪能陸地
行舟與罔水行舟義似妙合而但傲冪音雖相似字
形懸殊且冪泥乃是夏太康時人上距虞舜時遠闊

李東野曰先生辨之極是余問田抱閔曰古董名目
已為開錄否田生曰午刻緣些他冗謄寫未半未免
摺置明曉台駕歷臨暫於鋪前停轡恭當親手交付
從者誓不遲誤余曰有勞先生如此費心田生曰此
朋友常事還愧宿命余問諸公曾遊千山否曰離此
百餘里無人往遊余問兵部郎中福寧知之乎田生
曰不曾諸敕友亦無知者是朝士僕輩做賣買如
何去謁他東野曰先生此去當為面駕磨余曰使臣
時有近光我是從人未保恭班東野曰往歲盛
駕朝陵時貴國從官皆得接駕恭瞻吾曹倒羨他余
問諸公如何不恭瞻襄褐夫曰那敢唐突只得閉戶

屏息余曰皇上臨此時想應黃童白叟顛倒野次爭
瞻羽旄曰不敢不敢余曰當今閣老中山斗宿望誰
也東野曰俱載滿漢搢紳榮案一經稽查便可知也
余曰雖覽榮案何知事業東野曰吾輩俱是草萊踈
迷殊不識當朝誰為周召孰膺夢卜余曰瀋陽城裡
經術文章之士可得幾人東野曰碌碌無聞曰生曰
瀋陽書院有三五輩舉人為赴科期京師去了余曰
自此至京師千五百里聞人高士沿路必多願得姓
名以便尋訪曰生曰關外係是邊鄙地氣高寒人士
勁武沿路皆乾沒如我輩人無足道者且薦人最難
不過舉其所知未免阿其所好一經高眼苟不梳心

在我為爽口在人為失望如今甚風吹到覲面飽德
剪燭論心此豈夢想所到莫非天緣巧湊天下得一
知己足以不恨足下行將自得豈由他人安排鋪置
酒行數巡費生唐墨展紙曰穆繡裳願得先生墨蹟
為上珍余為書潘香祖送金養虛七絕一首東野問
潘香祖貴邦名士麼余曰非敝邦人這是錢塘人名
底筠即今中書舍人香祖其字也裴生又出空帖請
書墨濃毫柔字畫大佳余亦不自意如此諸人大加
稱賞一觴一紙筆態姿橫下方數頁以焦墨畫古松
怪石諸人益喜爭出紙筆環立求書又畫一條墨龍
彈筆作濃雲急雨但鬚鬚梗直鱗尾無倫爪大於面

鼻長於角諸人大笑稱奇田生與馬鏐持燈先歸余
明話方濃矣足下緣何早罷田生曰非欲徑還但為
踐誠明日臨門自當叙別余持所亞墨龍就燭欲燒
溫驚軒急起接手奪之指箴懷中襄生大笑曰關東
千里恐值大旱余問何以致旱襄生曰若化火龍去
時齊叫得苦一坐都笑襄生曰龍有善惡火龍最毒
乾隆八年癸亥三月關外閭陽野中墮了一條龍身
無雲有雷不雨恒電關外暮春天氣忽變六月炎暑
龍傍百里內都作洪爐世界人畜晒死不計其數商
旅不行居人晝夜渾脫手不停扇皇上敕發關中凌
歲數十車遍與關外散問大約近龍處樹木土石倍

添烘焙井泉皆沸龍卧十日忽大雷以風激雨如豆
大陵河廬舍兩中自火獨不傷害了人畜龍去時人
爭出看方共離身欲騰初甚遲懶仰首拖尾如駝馬
立長終三四丈口喫火焰以尾帖地動身一蜿蜒
耀電輒發雷聲空裡兩傾及掛身古柳上涎首至尾
兩樹間十餘丈暴兩翻河俄頃即止已看天衢矯
東雲露角西雲露爪、角之間不啻數里龍之既去
風日清美還是三月天氣龍卧處匯成數丈清池、
榜木石俱焦多有半體牛馬毛骨燒燥魚類巨細堆
積成邱臭穢難近獨恠龍掛柳樹不墜一葉是歲閏
東大旱至九月不雨吾恐此龍去作此患也一座復

大笑余自酌大碗痛飲曰賴有此大下酒物諸人曰
是也皆拊此次挽兒行酒為朴公佐飲余曰諸公知
此龍何名或曰應龍或曰旱魃余曰否也此名罌鐵
我東鄙諺云罌鐵去處秋亦為春謂其致旱歲歉也
故貧人謀事違心稱罌鐵之秋裴生曰龍名古奇我
生之初乃丁是辰罌鐵之秋如何不貧乃長吟曰罌
鐵余呼曰罌鐵裴生復呼曰罌鐵余笑曰非音賤也
如明哲之鐵東野大笑仍大呼曰罌青一坐都笑蓋
華音曷月諸韻不能轉聲也余曰諸公俱是吳蜀客
商遠地經歲能無鄉思否吳復曰正思得苦東野曰
每一念至魂神飄蕩天涯地角所爭錐毫而暮閤空

倚春閨獨掩鴈書久斷鶯夢不到如何不令人頭白
更值月白風清木落花散尤難為情奈何奈何余曰
若此時何不永還本鄉躬耕隴畝仰事俯育而專逐
末利遠別家鄉雖富埒猗賴名如陶朱有何樂哉東
野曰此還有不然者吾鄉之士亦多囊螢鉅股朝蘄
暮盬天可憐見時雖得雷微祿遊宦萬里等是離鄉
或丁憂論罷一般苦景有官守者死於職下或不謹
持追贓覆業雖歎黃犬復何益哉吾輩學殖荒落望
絕鴻漸而亦不能血指汗顏黃耳枯項粒、辛苦斷
送百年生老病死不離鄉井守諒溝瀆不可語米似
此百年不如死之久也開鋪貨居雖云下流所歸天

開一部極樂世地設這座快活林。這朱公之扁丹連
端木之車騎悠、四方都無管幹通都大邑樂處是
家長簷華屋身開心逸巖霜烈日自在方便。以此父
母敦遣妻子不怨進退兩裕寵辱雙忘其視農宦兩
業苦樂何如。吾輩俱有友朋至性三人行必有我師
二人同心其利斷金。天下至樂無逾於此。人生百年
苟無友朋一事都沒佳趣。裏布啜飯的搥不識此味
世間多少面目。可憎言語無味者。眼中只有些衣飯
攪腦裡。全這個友朋樂。余曰中國四民雖各分業。却
無貴賤婚嫁仕宦不相拘礙。否東野曰我朝有禁仕
宦家不得與商工通婚。以清仕路。所以貴道賤利。崇

本抑末吾輩俱是家世做賣買的未得士家為婚雖
納貲輸米權補生是亦不許鄉貢為舉人費生曰此
法只施於本貫離鄉則未必然余曰一為諸生則許
以士流否李曰然諸生亦有許多名目有廩生監生
貢生以生員陞補一為生員九族生輝四隣蒙害把
持官府武斷鄉曲此乃生員之專門伎倆士流亦有
三等上等仕而仰祿中等就館聚徒最下干求假貸
謔所謂做個求人而不成生涯都絕不得不做個假
貸人奔忙道踣不擇寒暑向人嗟嚟情狀先露不謂
當年高談之士化作世間可厭之人謔所補求人不
如求己所以做賣買的自無此惡况苦景也余曰中

國觴政必為妙令今兩夜羣飲不為酒令何也裴君
夫曰此中古觴政也今時看車掌櫃的都會了非為
風流雅事也費生曰笠翁笑史錄龍子猶高麗僧令
云朝使出高麗高麗使一僧陪宴行一令曰項羽張
良爭一傘羽曰兩傘良曰京傘朝使倉卒對曰許由
鼃錯爭一胡蘆由曰油胡蘆錯曰錯胡蘆麗僧何名
余曰此令全沒理致僧名無傳也鷄鳴少睡戶外人
喧遂起還寓猶未快曙遂脫衣就寢報飯方醒

古董錄

文王鼎

召父鼎

亞虎父鼎

此商周上寶

周王

伯鼎

單徒鼎

周豐鼎

皆唐天寶中局鑄

體小最

宜書齋薰燎 商父乙鼎 父己鼎 父癸鼎 商

子鼎 秉仲鼎 饗饗鼎 李媚鼎 商魚鼎 周

益鼎 商乙毛鼎 父甲鼎 此皆元時姜娘子倣鑄

周大叔鼎 周燕鼎 俱堪入書室清供鼎 爐之環耳

做口瓜腹鷄腿皆為下品 不堪入玩 勿取可也 周

師望敦 兕敦 翼敦 商母乙鬲 周茂敦 鬲

商席首彝 周辛彝 已上俱載博古圖中 近日新刻

西清古鑑製式尤精 先於書肆中索見 西清古鑑按

名審圖先講其式樣精雅 入賞者次於廠中 或隆福

弘仁寺市日索之 俱有不爽 觚 尊 觶 此三

皆酒具 亦可挿花 以供燕居清賞 官窯法式品格

大約與哥窑相同色取粉青或卵白泔水瑩厚如凝
脂為上品其次淡白油灰色慎勿取之紋取水裂鱗
血為上細碎紋、之下品勿取可也其製亦多博古
罇中取式者無論鼎彝瓶壺觚尊諸式但短矮肥腹
俗惡無足入玩勿取可也

僕於去年冬初入都看仲乃還在都時日至廠中
觸目瑰奇不可名狀河伯知醜不懽已降第是金
閭浮薄之徒蝨緣蚤跳閭處廠間濫呼薄價不赧
十悟甘言利口鎔人鐵腸第這一路係是初塘眩
轉恍惚三官逆迭五內顛倒毫無見德於彼只得
陪愚而還靜思此事髮輒指冠何也生長邊鄙原

懸冲虛固其土性也燕石自瑜魚目難辨其勢則
然所可恨者兼輸買笑之值是所謂重利盜跖也
今送足下入都所以眷、貢愚者誠為異邦君子
他日東還庶不都誣大國無人也并布赤心古書
古語鑒既未到癖又不深不敢強其所不知平爾
臆對大約俱非前賢手蹟亦係名筆善摹雖無老
成可見典刑米蔡蘓黃俱宜按名足下前日不以
僕鄙卑猥托求賢之心而沿路立談未可造次輸
誠亦非枉路屈駕所宜容易第在都時得與許太
史諱地黨數日周旋結為知己之友字台村係是
湖北人此有一封候扎足下入都之日倘尋翰林

院訪那許台村為此賤名交傳此書若知足下與
僕如此密友時必不見外並囑台村為人磊落一
見可契庶無誤薦之辜並希朴公老爺照心不具
田仕可頓首

遼東白塔記

出閭廡行不半里有塔白色八面十三層高七十仞
云世傳唐尉遲敬德平師伐高麗句時所築也或云
仙人丁令威乘鶴而歸見遼東城郭人民已改悲鳴
作歌此其令威所止華表非也華表柱在遼陽城外
不十里而近亦不高大所稱白塔者我東皂隸順口
所名也遼東左挾滄海前臨大野無所障礙千里茫

茫而白塔乃得野勢三分之一塔頂置銅鼓三每層
簷稜懸鐸大如汲桶風動鐸鳴聲振遼野塔下逢兩
人俱滿州人方注寧古塔買藥劃地問荅一人問古
本尚書又有問顏夫子書子夏所著集經否皆余所
初聞也以無為荅兩人者俱少年初經此地為觀塔
末也行忙未及聞其名蓋秀才也

廣祐寺記

塔南有古刹曰廣祐寺滿州秀才云漢時所創而唐
太宗伐遼時駐驛首山使鄆公尉遲敬德重修世傳
古有一村夫注廣寧路遇一童子曰負我至廣祐寺
寺右十步古樹下有藏金十萬可以相報村夫負其

童子數百里不終朝而至既至視之乃一座金佛也
寺僧異之掘寺右十步果得十萬金村夫以其金重
修此寺及讀寺碑則乃康熙二十七年太皇太后發
帑所建也康熙皇帝亦嘗臨幸賜居僧織錦袈裟今
廢無僧

舊遼東記

遼東舊城在漢襄平遼陽二縣地秦曰遼東後入衛
滿朝鮮漢末為公孫度所據隋唐時屬高句麗契丹
稱南京金稱東京元置行省皇明置定遼衛今陞
為遼陽州移城距二十里為新遼陽此廢稱舊遼東
城周二十里或謂熊廷弼所築也城故卑狹廷弼聞

敵騎入境令夷城清人恠之不敢逼及謀知改築引
兵至城下新城峨一夜而成後廷弼去而遼陷清
人忿其城堅難拔毀其城以方興得勝之兵十日而
毀猶未盡云皇明天啓元年三月清人既得藩又
移兵向遼經略袁應泰方議三蹕出師以虔撫順未
行而聞虜陷瀋陽又將向遼遂開太子河注水於壕
環兵登埤清人陷藩五日至遼陽城下奴兒塔赤者
所謂清太祖也自統左翼兵先至皇明搃兵李懷信
等率兵五萬出城五里而營奴兒哈赤以左翼四旗
擊其左清太宗我東所謂汗其名曰洪台時我國丙
載紅打時或稱洪他詩以兵音相似而各載如
英阿兒堂曰龍骨大馬代塔曰馬走大星也引精銳

請戰奴兒哈赤不許洪台時堅意行遂留二紅旗伏
城傍覘視奴兒哈赤遣正黃旗鑲黃旗助洪台時衝
明營之左四旗兵繼至天兵大亂洪台時乘勝追擊
六十里至鞍山方其戰時天兵自遼陽西門出拔清
人所留城旁二紅旗伏起邀擊天兵奔回入城自相
蹂踐搃兵賀世賢副將戚金等皆戰死詰朝奴兒哈
赤平貝勒左四旗兵掘城西開口以洩湖水且令右
四旗兵塞城東進水口自引右翼布楠車堵列城邊
囊土運石以壅水天兵步騎三萬出東門列營相拒
清人方欲奪橋會水口壅遏將涸四旗前隊渡濠大
呼掩擊東門外天兵方力戰清紅甲二百白旗千追

擊天兵死者濠塹皆滿奪武靖門橋分擊守濠天兵
城上放火兇聯綿不絕清人奮勇衝突樹梯登城遂
奪西城一面驅斬民衆城中擾亂是夜城內天兵列
炬拒戰牛維等繼城亂遁翌朝天兵復列楯大戰清
四旗兵亦登城經畧素應泰登城北鎮遠樓督戰見
城破舉火焚樓而死分守道何廷魁平妻子投井死
監軍道崔儒秀自經總兵朱萬良副將梁仲善叅將
王易房承勲游擊李尚義張繩武都司徐國全王宗
盛守備李廷幹等皆戰死生擒御史張銓不屈奴兒
哈赤賜死以遂其志洪台時惜張銓欲生之婉諭再
三終不可奪不已得縊而葬之皇帝於昨年已亥為全

韻詩詳載陷城始末且曰明臣之不降者我祖宗尚
加恩而燕京君臣漠不相關功罪不明欲其不亡得
乎按明史廷弼之不救廣寧也三司王紀鄒元標周
應秋勸廷弼曰廷弼才識氣魄睥睨一世汪歲鎮遼
而遼存去遼而遼亡獨其驕愎之性牢不可破今日
一疏明日一揭化之楊鐸更多一逃化之袁應泰反
欠一死若誅王化貞而寬廷弼則罪同而罰異也今
其土壁周遭而旣痕猶存誦當日三司之勸足可以
想見其為人嗚呼當皇明末運用捨顛倒功罪不
明其視能廷弼袁崇煥之死可謂自壞其長城矣惡
可免後代之譏哉引太子河為壕、中有穀三廩艇

城下釣者數十人皆美衣服貌似遊關公子俱城裡
市舖人余巡濠為觀其設閘蓄洩之制釣者一哄持
竿而來四余開語余畫地為字皆熟視笑而去

山川記畧

駐驛山在遼陽西南初名首山唐太宗征高句麗時
駐驛於上數日勒石紀功改為駐驛山

開運山在奉天府西北萬峰環拱衆水祖宗即清之
永陵也

鐵背山在奉天府西北上有界蕃二城云

天柱山在承德縣東即清之福陵所在晉史東牟山
是也

隆業山在承德縣西北即清之昭陵所在云

十三山在錦州府東峰有十三蔡珪詩間山盡處十三山溪曲人家盡幅間

渤海在奉天府南盛京統志云海之傍出者為渤遼東延袤二千里其南渤海

遼河在承德西即句驪河也一作拘柳河漢書水經俱作大遼水遼水左右即遼東遼西所由分唐太宗征高句麗泥淖二百餘里布土作橋乃濟

渾河在承德南一名小遼水一名阿利江一名蘄芋

淶水發源長白山與太子河會又合遼水入于海

太子河在遼陽北源出遼外永吉州入遼匯渾河遼

河為三汭河世傳燕太子丹出亡至此遂得斬之以
獻秦後人哀之名其水曰太子河云

小瀋水在承德南自東関觀音閣發源入渾河水北
曰陽瀋陽之名蓋以此云

今余所經山河只憑土人口傳行旅指點或我隸
之屢行者平以臆對皆未可詳華表柱此遼東古
蹟而或云在城內或云在城外十里則他可推此

関廟記

出舊遼東城門外有石橋、邊石欄制極精巧康熙
五十七年所築也對橋百餘步有牌樓刻雲龍水仙
並皆隱起入牌樓而東有大樓其下為門而扁之曰

摘錦左有鍾樓曰龍吟右有鼓樓曰虎嘯廟堂壯麗
複殿重屋金碧璀璨正殿安閑公像東廡張飛西廡
趙雲又設蜀將軍嚴顏不屈之狀庭中列數笏穹碑
皆記修剏始末新建一碑記山西商人重修事也廟
中無賴遊子數千人鬧熱如場屋或習槍棒或試拳
脚或像盲騎瞎馬之戲有坐讀水滸傳者衆人環坐
聽之擺頭掀鼻傍若無人者共讀處則火燒瓦官寺
而所誦者乃西廂記也目不知字而口角溜滑亦如
我東假家中口誦林將軍傳讀者乍止則兩人彈琵琶
一人響疊鉦

十二日戊子小雨即晴自瀋陽至願堂三里塔院十

里方士村二里壯元橋一里永安橋十四里葉跋自
橋始雙家子五里大方身十里共行四十五里中火
自大方身至磨刀橋五里邊城十里興隆店十二里
孤家子十三里共四十里是日通行八十里五宿孤
家子早散瀋陽至歌商樓獨裘寬出迎溫伯高方熟
睡余舉手作別又轉至藝栗齋田仕可與費穉出迎
田生出二封書拆一封以示即抵余書錄古董名目
一封外付紅籤書許太史台村先生手啓田生曰此
僕苦心並無客氣朝鮮館與庶吉士館北門先生至
都之日為傳此書這箇許太史一表非俗兼得好文
章定然善遇足下書中俱有先生大名表庶不致

誤這一路也余曰諸公不能面、叙別殊深悵缺足
下為道此意田生點頭余方欲起身田生曰穆繡襖
束也穆春携一少年手持一籃葡萄蓋少年為見余
持葡萄作面幣也少年向余肅揖前執余手如舊交
但緣行忙因舉手作別出鋪乘馬少年至馬首雙手
捧過葡萄籃子余於馬上為執一朵舉手致謝而行
回頭看時諸人者猶於鋪前望余行也可惜行忙未
問少年姓名連夜失眠日出後困憊特甚令昌大放
輦與張福左右堅擁而行穩睡一頓精神始清物色
倍新張福曰俄有蒙古牽兩匹橐駝而過余罵曰何
不告余昌大曰是時鼙聲如雷呼之不應奈何小人

等亦初見不知是何物意以為橐駝也余問其形何
如昌大曰實難形容以為馬也則蹄是兩跲而尾如
牛以為牛也則頭無双角而面似羊以為羊也則毛
不卷曲而背有二峰仰首如鵝開目如盲余曰果是
橐駝其大如何指一丈頽垣曰其高如彼勒是後若
逢初見之物雖值眠值食必為提告落日荒、正在
馬首河邊驢羣數百頭方飲河有一老村婆手持高
梁幹耒駟驢七八歲小童隨婆往來那村婆身披青
布短裙足穿一對黑靴子頭髮盡禿光、如瓠而腦
邊小結絳得一寸猶盛飾各樣花朵向張福丐東烟
余問這箇牲口都是爾們一戶之所畜麼老婆點頭

而去未知能會聽否也

十三日巳丑晴大風自孤家子曉發至巨流河八里
一名周流河巨流河堡七里泌店子三里五渡河二
里四方臺五里郭家屯三里新民屯三里小黃旗堡
四里中火共三十五里自小黃旗堡至大黃旗堡八
里柳河溝十二里石師子十二里營房十里白旗堡
五里共四十七里是日通行八十二里宿白旗堡曉
起盥櫛厭莫甚焉月初落矣滿天星顯互瞬村鷄迭
鳴行不數里白霧漫漫大野浸成水銀海一隊灣商
相語而行矇矓如夢中讀奇書不甚了了而靈幻則
極矣少焉天色向曙萬柳秋蟬一時鼓響非渠耒報

已知午天酷炎矣野霧漸收遠村廟堂前旗竿如帆
檣回看東天火雲消瀟灑出一輪紅日半湧半沉於
蜀黍田中遲、冉、圓滿遼東而野地上去馬來車
靜樹止屋森如秋毫皆入火輪中矣新民屯市肆間
閭不減遼東入一典當舖滿庭葡萄架綠陰玲瓏庭
中堆疊諸色怪石成一座假山、前一丈大甕裡開
得四五柄蓮花坎地安一間木槽養一對鸛鷗兒繞
山棕欄秋海棠安石榴共有十餘盆珠帳下列椅坐
著五六籌菴漢見余起揖請坐勸了一碗涼茶舖主
出紅紙二張紙面乳金細亞兩條螭龍請書柱聯余
書鸞鸞對浴鰣飛繡齒落初開不語仙觀者齊聲稱

好筆法舖主請客官坐一坐等俺更覓佳紙來也即
起身去少頃左手持紙右手捧着一鍾濃墨而末刀
剪一張白鸞紙為三尺末卷子要書門額首幾字佳
題余於沿路上市舖每見欺霜賽雪四個字揭在門
楣上意內以為做個賣買的自銜其本分心地皎潔
與秋霜一般乃復歷過他白、的雪色又想數日前
過爛泥堡時一舖門楣上這個四字筆法甚奇余立
馬一玩霜雪兩字該是海米徽體今可做出這樣字
末蘸毫低仰墨光騰紫濃淡正勻於是臨紙從左而
右先書一個雪字雖未得較似米元章何遽不若董
太史觀者越添齊道書字狠好次書賽字則或稱好

樣書字但鋪主氣色頗異未若雪字時叫絕余默念
賽字不恒書未慣於手上與太密下貝過長以此不
恆又筆頭濃墨誤墮賽字左點傍漸染得一斑豹文
這個鹵漢想以此為病也遂一腕連寫霜欺二字拋
筆順讀合是為欺霜賽雪四個大字鋪主搖著頭道
不相干余遂道再看兒起身出點罵道小去處做賣
買的惡能及瀋陽諸人這個麤莽漢那知書字好否
是日、出後大風掀動八表午後風止天無一點氛
埃暴炎蒸敲自永安橋以連抱大木編成為梁、高
數丈廣五丈兩沿木頭齊整如一刀裁劃梁下溝澮
綠水無際青泥潤爛若聞此為萬區水田不知歲收

得幾億萬石紅稻香粳或曰康熙皇帝為耕織勗農
政全書今皇帝實是老農家子弟非不知閩外青鰲
土為上、田第以閩外之地為自家根本之鄉水稻
腴香飯顆潤爛使民恒服則筋解骨軟難以用武不
如常食黍稷旱稻教民苦耐飢壯血氣而忘口腹也
寧棄千里膏沃之野令作瘠土向義之民此其深長
慮也沿路二里三里之間間井斷續車馬連絡左右
市鋪無非可觀而自鳳城以來雖奢儉不同揔是一
樣規模有時瞢騰過眼者可驚可喜而未可殫記日
暮遠地烟鋪促鞭趕站瓜田裡走出一個老者跪了
馬前指著三五間獨戶老屋道俺老身一口兒踞傍

賣些甜瓜資生你們高麗人三五十俄刻過去時暫
停此中初則出價買喫臨起一個、各手執瓜開堂
都走了余曰你何不遮訴大人們老者落淚道生訴
時你們的大人粧啞粧聾俺一個身怎生抵當他三
五十個生力的大人如今生趕時一個幫子攔絕了
去路將那瓜子還擲俺面上眼起双電茨汁未乾因
要清心元以無為荅則緊抱昌大之腰強要買瓜因
將五顆甜茨束置面前余亦欲解渴遂削喫一茨則
香甜異常令張福帶去四茨為夜供渠輩各喫兩茨
共是九個老者堅討八十文張福計給五十則大怒
不受兩隸探囊共計七十一文以給之余先上馬使

張福加給張福披囊示之然後乃已始見其垂淚而
哀之末乃勒賣九菰堅討近百萬價殊可痛歎然我
隸沿路行却尤可恨也昏後抵站出菰與清如季涵
輩為飯後鎮口為道過馬時下隸却菰事諸馬頭皆
言元無是事獨戶賣菰的老漢元來姦巧無雙見書
房主落後獨行粧出謊話故作可憐之態要得清心
丸也余始覺其見賣念其賣菰事尤可絕痛况其副
急淚何從得來時大曰此漢即漢人也滿人無似此
妖惡事云

十四日庚寅晴自白旗堡至小白旗堡十二里平房
六里一半拉門一名一板門十二里靠山屯八里二

道井十二里共五十里中火又自二道井至隱寂寺
八里古家鋪二十二里梁路止此古井子一里十扛
子九里烟臺六里小黑山四里共五十里是日通行
百里宿小黑山今日乃末伏也晚炎尤當甚酷而站
程又遠故一行曉發余與鄭裨將下主簿先行路中
語昨日、出時光景兩人銳意一觀而日出時東天
雲霧未消光景大不如昨日、既離地丈餘而日下
層雲化作萬道金蛟跳騰震盪神出鬼沒不定一色
日馭徐驅只顧上天去矣自遼陽以來多經小小城
池而不可殫記所謂三里之城五里之郭而未必皆
郡邑治所不過是鄉井保聚然其制度無異大城也

一板門二道井地勢灣下小兩泥潭方春餅米時誤
入泥中則連人帶馬頃刻不見咫尺難救昨年春山
西買客二十餘人皆乘健驢至一板門一時陷沒我
國駟人亦陷失二名云唐書太宗征高句麗不得志
而還至勸錯水阻淖八十里車騎不得通長孫無忌
與楊師道等平萬人斬樵築道聯車為梁帝於馬上
自負薪以助役雪甚詔屬燎以濟今未知勸錯水在
於何處而遙野千里土細如麵遇雨黏濃如糖之融
浸人腰膝終拔一脚則一脚漸深若不努力抽足則
地中若有吸引者全身都沒不見陷痕今清家數幸
盛京故自永安橋編木為梁以禦潦淖而至古家鋪

前始止二百餘里之間一梁為路非但物力之富壯
木頭無一叅差二百里兩沿如引一繩可見其制作
之精一矣故民間尋常制作能相視效規模大同德
保所稱大國心法最不可當者正止此等也今此梁
路三歲一改云唐書勒錯水似在一板二井之間也
自鴉鶻闕每見閭里中高設白色牌樓者皆初喪之
家也以蘆簾結構尾溝鵠吻無異木石高四五丈離
立喪家門前十步之間其下列坐鼓吹疊鉦一對簾
簾一對噴吶一對晝夜不離吊客臨門則大吹大打
上食祭奠內有哭聲則外輒以鼓吹相和余至十扛
子小憩與鄭下開行街市至一蘆簾牌樓方欲詳玩

結構而大動鼓吹兩人不覺掩耳而走余亦兩耳響
塞拙手止聲而全不採聽只顧吹打余欲見喪家制
度方移步進止大門前門裡走出一個喪人號哭突
至面前放了竹杖再伏再起伏則以頭頓地起則以
足蹈地淚如雨下無數哀涕變起倉卒同知攸錯喪
人背後隨着五六人皆白巾大擁余臂進入門裡喪
人亦止哭跟後適逢乾糧馬頭二同自內方出余喜
甚忙問此曰將奈何二同曰小人與亡者同甲素相
親善俄者入吊其妻余問吊禮如何二同曰執喪人
手曰爾父歸天二同亦隨余還入曰不可不給與白
紙卷小人當周旋堂前以蘆簾架起大屋結構奇異

滿庭白布幔區處內外服人二同曰主人當待以酒
果第小遲待未可經起若不食時大為羞耻余曰既
為入來此亦觀光但主人受吊則苦矣二同曰俄已
吊矣不必更吊指簾屋曰此其殯所男女皆空堂室
移處殯屋布幔中各為藉功處所葬後各歸云帳裡
有一女子頻、出首而視白布纏首頗有姿色二同
曰此亡者之少女嫁為山海關富商之妻良久喪人
自簾屋出坐椅上白巾數人持兩碗麵一盤菓品一
盤豆腐一盤菜蔬兩碗茶一罐酒桌子上擺列西前
置三箇空盞對桌又在空椅列著三盞請二同坐二
同固辭曰俺們老爺在上不敢對頭坐着因出外持

白紙一卷錢一鈔而來置主人面前為道余致贈之
意主人下椅叩頭恭謝余畧喫蔬果因起出主人送
至門外門傍兩廂裡方造竹散馬以紙塗之火頃使
行至此遇馬副使亦繼至卸轎路中余為言俄刻吊
喪之禮皆大笑二道井村閭頗盛隱寂寺宏大而頗
破敗碑有朝鮮人施主姓名似皆漢商也自此始見
醫巫閭山橫鄣西北天際如垂翠帳而峰巒猶未明
見陣河以後五渡河皆以舟濟烟臺自此始五里一
臺圍徑十餘丈高五六丈築同城制上設炮穴女牆
戚南宮繼所設八百望是也小黑山野中平坡稍岸
而有拳大小山故名閭閻櫛化市鋪繁華不減新民

屯繹蕪中馬騾牛羊千百為羣亦可謂大去處矣一行下隸例於小黑山烹猪相犒云張福昌大告夜注得喫是夕月色如晝暑氣已退飯後即出瞭望遠野蒼烟鋪地牛羊各歸市舖未及盡閉遊獨入一舖庭中設高架覆以蘆簾自下引繩而撒之以納月光也奇花異草交映月中道上遊子見余入此隨來盈庭入一角門庭廣如前堂欄干下有數本繹蕉四人圍桌而坐就中一人方據桌寫新秋慶賞四字紙紅墨紫白月臨之雖未仔細連筆甚艱僅成字樣余心裡暗忖道看渠筆法若是拙正吾得意之秋也諸人爭看即貼之堂前正中門楣上蓋賞月賀榜也皆起內

堂前負手瞻玩桌上更有他紙余因坐椅濃蘸餘墨
不顧是非大喜特書曰新秋慶賞一人回顧見余書
字疾呼諸人趨至桌前叫喚謔笑曰高麗好書字或
曰東國書同字或曰字同音不同余鏗然擲筆起諸人
爭挽余手曰更勞客官坐一坐尊姓大名余書示之
諸人益大喜余之初至也不以為悅視若尋常及見
余書察其氣色大喜過望忙進一碗茶又藝烟相勸
轉眄之間溫冷頓異諸人者皆太原汾晉人也去歲
來此新開首飾舖收買釵釧簪珥彙環等物起號晚
翠堂三人俱姓崔一柳一霍皆文筆極短無可足語
而霍生最優五人者俱年三十餘豪健如驃子雖面

皮白爭眉目媚嫵俱無十分清雅之氣絕異於吳蜀
諸人四方風土之不同足可見矣山西出將果非虛
語也余問霍生曰君居太原貴鄉郭泰峰號錦衲知
之乎霍生曰不知遂點郭霍兩字曰這是郭太祖之
郭吾是霍去病之霍余笑曰何不引汾陽博陸而乃
證周祖嫖姚乎霍生諦視無語想彼以吾以霍郭同
用如滿人故分曉如此也霍生曰登州下陸緣何到
此余曰吾非航海來也旱路三千里直抵皇京霍生
曰高麗是日本否一人持紅紙來請書招朋引類來
者漸多余曰紅紙寫字非佳更持卵白的來也一人
忙去即覓數張粉紙而來余遂剪作柱聯書之曰翁

之樂者山林也客亦知夫水月乎於是諸人俱大歡
樂爭為磨墨來去紛紜皆覓紙故也余遂隨展隨寫
手不停筆如題訟牒一人問客官飲酒麼余曰危酒
安足醉諸人皆大笑即持一罐湯酒而來連勸三盃
余曰主人何不飲乎曰無一人飲者於是來觀者爭
以蘋菓沙菓葡萄等物勸食余曰月色雖明猶妨寫
字不如點燭霍生曰天上高懸一片鏡人間勝似萬
枝燈一人曰相公眼昏麼余曰然遂點上四枝燭余
念昨日當鋪所書欺霜賽雪四字鋪主怎地不悅吾
當為前日雪耻也遂謂鋪主曰主人家要得鋪首佳
題麼鋪主們齊道此時尤好余遂寫出欺霜賽雪四

字諸人俱面、相觀與當舖氣色一般的殊常余腦
裡念道又是怪事余道不相干麼舖主道是也霍生
曰俺舖專一收賣婦人的首飾不是麵家余始覺其
誤可謂著前之為遂曰我已知道了聊試問筆耳前
日遼陽市中鷄鳴副珈金字題驀然入想似是與此
一般舖子遂書副珈堂三字諸人尤叫歡不絕霍生
問此號何義余曰今貴舖是收賣婦人的首飾詩所
稱副笄六珈者是也霍生謝曰敝舖榮耀何以報德
明日將觀北鎮廟故早還語行中諸人以此刻光景
莫不絕倒是後每遇舖首欺霜賽雪是必麵家非言
其心地之皎潔正誇其麵與霜爭纖與雪勝白麵者

我東所謂真末也。約清如季涵趙主簿達東同遊北
鎮廟。

